



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU POKRET MOST 21

Broj: 03-07-6-377/20
Sarajevo, 23.03.2021. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja političke stranke POKRET MOST 21 za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2019. godinu, utvrđeno je da je politička stranka POKRET MOST 21 prekršila odredbe člana 11. stav (1) i člana 12. stav (4) i stav (5) Zakona o finansiranju političkih stranaka.

Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja političke stranke POKRET MOST 21 za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka POKRET MOST 21 nije ostvarila prihode, što se vidi iz sljedeće tabele:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

U godišnjem finansijskom izvještaju za 2019. godinu, politička stranka POKRET MOST 21 nije iskazala rashode.

2. PREDSTAVLJANJE POLITIČKE STRANKE

Naziv političke stranke: POKRET MOST 21. Skraćeni naziv stranke je MOST 21.

POKRET MOST 21 registrovan je kod Općinskog suda u Sarajevu, rješenjem broj: 065-0-F1-17-000013 od 29.09.2017. godine.

Sjedište političke stranke je u Sarajevu, Tekija br.6.

Lice ovlašteno za zastupanje stranke je Amir Reko, predsjednik.

Lice ovlašteno za podnošenje finansijskih izvještaja za 2019. godinu je Hasna Ljubović.

Prema podacima iz godišnjeg finansijskog izvještaja za 2019. godinu stranka nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj političke stranke POKRET MOST 21 za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja političke stranke POKRET MOST 21 obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled godišnjih finansijskih izvještaja političke stranke POKRET MOST 21 za 2017. i 2018. godinu, nakon čega su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2018. godinu, Služba za reviziju je izdala izvještaj o pregledu sa mišljenjem revizora, nalazima revizije i preporukama stranci da se ne finansira iz izvora koji su zabranjeni političkim strankama, da poslovne knjige vodi u skladu sa računovodstvenim propisima, da uspostavi potpune i tačne evidencije o novčanim tokovima, prihodima i obavezama, da finansijske izvještaje popunjava i podnosi u skladu sa zakonom i podzakonskim aktima Centralne izborne komisije BiH i da izvještaje podnosi u zakonom propisanom roku.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da politička stranka nije ispoštovala sve preporuke revizije.

5. NALAZI I PREPORUKE

5.1. NALAZI

Politička stranka POKRET MOST 21 prekršila je odredbe člana 11. stav (1) i člana 12. stav (4) i stav (5) Zakona o finansiranju političkih stranaka.

Pregledom godišnjeg finansijskog izvještaja i dodatne finansijske dokumentacije, utvrđeno je da politička stranka POKRET MOST 21 nije iskazala sve transakcione račune, nije uspostavila evidenciju o obavezama stranke, godišnji finansijski izvještaj nije podnijela u zakonom propisanom roku, obrasce finansijskog izvještaja nije popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik) i nije dostavila dodatnu dokumentaciju, čime je prekršila odredbe člana 11. stav (1) i člana 12. stav (4) i stav (5) Zakona o finansiranju političkih stranaka.

(1) Politička stranka POKRET MOST 21 nije u godišnjem finansijskom izvještaju za 2019. godinu iskazala sve transakcione račune i nije iskazala tačne podatke o prometu putem računa broj: 1401011200541194, čime je prekršila odredbe člana 11. Pravilnika.

- Stranka na obrascu 2 finansijskog izvještaja nije iskazala transakcioni račun broj: 1401011130006383 kod Sberbank BH d.d. Sarajevo, koji je prema podacima iz Izvještaja Centralne banke BiH¹ ugašen dana 08.07.2020. godine. Uvidom u Potvrdu Sberbbank BH d.d. Sarajevo od 02.10.2020. godine, utvrđeno je da u toku 2019. godine nije bilo prometa po ovom računu.
- Na odštampanom obrascu 2 (pregled prometa svih transakcijskih računa političke stranke) godišnjeg finansijskog izvještaja za 2019. godinu koji je Centralnoj izornoj komisiji Bosne i Hercegovine dostavljen dana 30.04.2020. godine, stranka je iskazala devizni račun broj: 1401011200541194 otvoren kod Sberbbank BH dd Sarajevo sa početnim stanjem na dan

¹ Izvještaj o računu poslovnog subjekta Centralne banke BiH, od 31.08.2020. godine.

01.01.2019. godine u iznosu od 244,00 KM i stanjem na dan 31.12.2019. godine u iznosu od 244,00 KM. Stranka nije iskazala promet ulaza niti izlaza po ovom računu.

Uvidom u Potvrdu i analitičke kartice Sberbbank BH d.d. Sarajevo prometa deviznog računa broj: 1401011200541194, utvrđeno je da su dana 12.03.2019. godine sa ovog računa isplaćena sredstva u iznosu od 244,48 KM (125,00 eura), te je utvrđeno sljedeće: početno stanje u iznosu od 252,09 KM (128,89 eura), promet izlaza u iznosu od 244,48 KM (125,00 eura) i stanje na dan 31.12.2019. godine u iznosu od 7,61 KM (3,89 eura).

Pored navedenog, utvrđeno je da podaci o transakcionom računu stranke koje je stranka iskazala na odštampanom obrascu 2 ne odgovaraju podacima koje je stranka evidentirala u aplikaciji FI CIK BIH na obrascu 2 godišnjeg finansijskog izvještaja za 2019. godinu. Uvidom u aplikaciju FI CIK BIH utvrđeno je da je stranka u obrazac 2 godišnjeg finansijskog izvještaja za 2019. godinu upisala transakcijski račun broj: 1028370000012651 otvoren kod Union banke d.d. Sarajevo sa sljedećim podacima: početno stanje na dan 01.01.2019. godine u iznosu od 244,00 KM i stanje na dan 31.12.2019. godine u iznosu od 244,00 KM. Prema podacima iz Izvještaja Centralne banke Bosne i Hercegovine, navedeni transakcioni račun je aktivan tek od 01.07.2020. godine.

- (2) Stranka je na obrascu 2.1 (Pregled stanja blagajne) finansijskog izvještaja iskazala sljedeće podatke: početno stanje u iznosu od 244,00 KM, promet ulaza 0,00 KM, promet izlaza 0,00 KM i saldo na dan 31.12.2019. godine u iznosu od 244,00 KM.

Uvidom u podatke iz Završnog računa (Bilans stanja) za 2019. godinu, utvrđeno je da je stranka na dan 31.12.2019. godine imala novčana sredstva u iznosu od 7,00 KM, što odgovara saldu na transakcionom računu.

Navedeno ukazuje da stranka na obrascu 2-1 nije iskazala tačne podatke o poslovanju putem blagajne, čime je prekršila odredbe člana 12. Pravilnika.

- (3) Stranka u finansijskom izvještaju nije iskazala rashode na obrascu 4 (rashodi političke stranke), čime je prekršila odredbama člana 21. i 22. Pravilnika.

Uvidom u Završni račun stranke (Bilans uspjeha) za 2019. godinu, utvrđeno je da je stranka ostvarila ukupne rashode u iznosu od 244,00 KM.

- (4) Na obrascu 5 (obaveze političke stranke) godišnjeg finansijskog izvještaja za 2019. godinu politička stranka nije iskazala svoje obaveze, čime je prekršila odredbe člana 24. Pravilnika.

Prema podacima iz Izvještaja o pregledu godišnjeg finansijskog izvještaja za 2018. godinu, obaveze stranke na dan 31.12.2018. godine prema fizičkom licu Amir Reko po osnovu pozajmice iznosile su 1.878,00 KM.

Prema podacima iz analitičke kartice deviznog računa broj: 1401011200541194 kod Sberbanke BH d.d. Sarajevo, utvrđena je samo jedna isplata u iznosu od 244,48 KM (125,00 eura), što nesumnjivo ukazuje da navedena pozajmica nije mogla biti vraćena u punom iznosu i da je ostala kao neizmirena na dan 31.12.2019. godine.

Takođe je utvrđeno da stranka u Završnom računu za 2019. godinu nije iskazala obaveze po osnovu pozajmice, što ukazuje da nema pravilne evidencije o svojim obavezama.

- (5) Politička stranka POKRET MOST 21 je godišnji finansijski izvještaj za 2019. godinu elektronski putem aplikacije FI CIK BIH podnijela dana 28.04.2020. godine, te u čvrstoj kopiji dostavila Centralnoj izbornoj komisiji Bosne i Hercegovine dana 30.04.2020. godine, čime je prekršila odredbe člana 12. stav (4) Zakona o finansiranju političkih stranaka.

- (6) Dana 23.09.2020. godine, Centralna izborna komisija Bosne i Hercegovine je stranci uputila Zahtjev za dostavljanje dodatne dokumentacije za 2019. godinu, broj: 03-07-6-377-2/20, kojim je

od stranke zatraženo da dostavi: Bruto bilans stranke za period 01.01.-31.12.2019. godine, Glavnu knjigu sa kompletnim analitičkim evidencijama stranke za period 01.01.-31.12.2019. godine i kopije izvoda sa računa stranke kod Sberbank BH d.d. Sarajevo.

Dana 28.09.2020. godine, politička stranka je dostavila kopiju Završnog računa za 2019. godinu i dokumentaciju o prometu ostvarenom putem računa stranke kod Sberbank BH d.d. Sarajevo.

S obzirom da stranka nije postupila u skladu sa zahtjevom Centralne izborne komisije Bosne i Hercegovine, odnosno nije dostavila Bruto bilans stranke za period 01.01.-31.12.2019. godine i Glavnu knjigu sa kompletnim analitičkim evidencijama stranke za period 01.01.-31.12.2019. godine, prekršila je odredbe člana 12. stav (5) Zakona o finansiranju političkih stranaka.

5.2. PREPORUKE

Preporučuje se političkoj stranci POKRET MOST 21 da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi pravilne evidencije o svojim obavezama, odnosno da vodi poslovne knjige u skladu sa računovodstvenim propisima,*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanom roku i popunjava na način utvrđen Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju.*

KOMENTAR:

U ostavljenom roku, politička stranka POKRET MOST 21 nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić